



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Agenda Dioecesis Paderbornensis Rituali Romano
accommodata**

Hermann Werner <Paderborn, Bischof>

Paderbornæ, 1753

De Communione infirmorum.

urn:nbn:de:hbz:466:1-36023

Ægrotos visitans, cā, qua Sacerdotes Domini decet, honestate, & gravitate se habeat, ut non ægris solum, sed sibi, & domesticis prospicit ad salutem.

Eorum verò maximam Curam geret, qui humanis auxiliis destituti benigni ac providi pastoris charitatem, & operam requirunt. Quibus, si non possit ipse succurrere de suo, & eleemosynas, pro ut debet, erogare, curet, quantum potest, ut per alios fideles, vel confraternitates illorum necessitati subveniatur.

Imprimis autem spiritualem ægrotantium Curam suscipiet, omnemq; diligentiam in eo ponet, ut in via salutis eos dirigat, atq; à Diabolicis insidiis salutarium adjumentorum præsidio defendat, ac tueatur.

Adhoc juvabit quamprimum eum adhortari ad confessionem & Sacram Communio-nem, quatenus primarium auxilium suum quærat & ponat in eo, qui ipsa & vera salus est. Memineritq; quod Lateranensis Concilii ac plurium summorum Pontificum decretis ca-vetur sub gravibus pœnis, ne Medici ultra tertiam vicem ægrotos acedant, nisi prius ip[s]is certò constet, eos Sacramento saltem confessionis ritè expiatos esse.

Accedat autem ad ægrotum ita ut in promptu habeat argumenta ad persuadendum ap- ta. Ac præsertim sanctorum exempla, juvabit ad hoc habere in usu librum quendam spiritualem vulgaris idiomatis, quorum varii pro ministerio infirmorum conscripti sunt, qua- tenus indè opportunas pro statu infirmi, orationes vel monita vel exempla feligere possit, ita tamen, ne infirmo molestia indè creetur, sed levamen.

Cavebit etiam Parochus, ne quis ægrotō aliquid pro Corporali salute adhibeat, vel suadeat, quod saluti animæ contrarietur.

Ubi periculum advertit, moneat ægrotum, ne dæmonum astutiâ, vel medicorum pollicitationibus, propinquorum aliorumvè blanditiis se ullo modo decipi sinat, quo mi-nus ea, quæ ad animæ salutem pertinent, opportuhè procuret, & qua pars est devotione curâ ac celeritate Sacraenta sancta suscipiat, dum sana mens est, integrâq; sensus, citra fallacem illam, ac perniciosa[m] procrastinationem, quæ plurimos ad æternâ supplicia per- duxit, indiesq; fallente Diabolo perducit.

Quodsi infirmus Sacerdotum aliorumq; monitis adduci non potest, ut velit peccata sua confiteri, nondum omnino desperanda[re] est; sed quamdiu ille vivit, repetendæ sunt frequentes, variæ, & efficaces Sacerdotum & aliorum priorum hominum exhortationes; proponendaq; æternæ salutis damna, & sempiternæ mortis supplicia; ostendenda est im-mensa Dei misericordia, eum ad pœnitentiam provocantis, ad ignoscendum paratissimi: Adhibendæ sunt etiâ[tum] tum privatæ, tum publicæ ad Deum preces, ad divinam gratiam impetrandam pro salute miseri decumbentis,

Nec infirmum, licet Sacramentis omnibus præmunitum, delectat, sed eò frequentius eum visitet, quo bellum cum dæmons in extremis novit esse atrocius, & præsente duce securius.

Videbit deniq; Sacerdos, quibus potissimum temptationibus, aut pravis opinionibus æger subiectus sit, eiq; pro ut opus sit, apta remedia prudenter adhibebit.

Sacram Jesu Christi Crucifixi Imaginem, B. Mariæ Virginis, & sancti, quem æger præcipue veneratur, ob oculos ejus opponi curabit, vasculum item adsit aquæ benedictæ, quo frequentè aspergatur.

Suadeat ægro, ut dum adhuc sana mens est, testamentum faciat, si quid habeat alienum, restituat, si periculum advertatur, remedium animæ suæ de facultatibus pro libitu suo disponat: Ita tamen hæc luggerat, ut omnis avaritiae nota caveatur.

Consoletur infirmum, dicens, se pro eo missas celebraturum, & cum aliis oraturum; idq; re ipsa præstabit. Monebitq; infirmum, ut si convaluerit, in Ecclesia debitas Dœ gratias agat, & meliorem vitam instituat.

De Communione Infirmorum.

Vaticum sacratissimi corporis Domini nostri Jesu Christi summo studio, ac diligentia in- firmis opportuno tempore procurandum est, ne fortè contingat, illos tanto bono, Pa-rochi incuria, privatos decidere. Cavendum autem imprimis est, ne ad indignos cum alio- rum scandalô deferatur, quales sunt publici usurarii, concubina[ti], notoriè criminosi, nomi-

natum excommunicati & denunciati. Nisi se prius sacra confessione purgaverint, & publicæ offensioni, pro ut de jure, satisfecerint.

Hortetur Parochus ægrotum, ut viaticum sumat, etiam si graviter non ægrotet, aut mortis periculum non immineat, maxime si festi alicujus celebritas id suadeat, neq; ipse illum ministrare recusabit.

Pro Viatico ministrabit, cum probabile est, quod amplius sumere non possit. Quod si æger sumpto viatico dies aliquot vixerit, vel periculum mortis evaserit, & communicare voluerit, ejus pio desiderio Parechus non deerit.

Potest quidem viaticum brevi morituris, dari non jejunis; id tamen diligenter curandum est, ne iis tribuatur, à quibus ob phrenesin, sive ob assiduam tussim, aliumve similem morbum, aliqua indecentia, cum injuriâ tanti Sacramenti timeri potest. Cæteris autem infirmis, qui ob devotionem in ægritudine communicant, danda est Eucharistia ante omnem cibum, & potum, non aliter ac cæteris fidelibus, quibus nec etiam per modum medicinæ aliquid sumere licet. Nemini verò ad ostendendum vel adorandum soluim, deteratur.

Deferrit autem debet hoc Sacramentum ab Ecclesia ad privatas ægrotantium ædes, decenti habitu, cum omni reverentia & timore, semper lumine præcedente.

Processurus igitur ad communicandum infirmum aliquot Campanæ iætibus convocet fideles, qui Sacramentum comitentur cum cereis, cubiculum infirmi sit mundum, mensaq; linteo velamine mundo obducta, in quo SS. Sacramentum super Corporale decenter deponatur.

Adsist & luminaria, vinum, aqua, linteum ante pectus Communicandi & alia præcujusvis facultate.

Sacerdos superpelliceo, & stola indutus accepto ciborio nudo capite ad infirmum procedat.

Præcedat semper minister lucernam deferens, & is Campanulam jugiter pulset. Si longius procedendum, vel equitandum sit, vas in quo Sacramentum defertur, bursâ decenter ornata includatur, & ita ad pectus alligetur, ut decidere nequeat.

Ingrediens domum dicat. Pax huic domui, & omnibus habitantibus in ea. **V.** Domminus vobiscum. **R.** Et cum Spiritu tuo.

Oremus.

Exaudi nos Domine sancte Pater, omnipotens æterne Deus, & mittere digneris S. Angelum tuum de cœlis, qui custodiat, foreat, protegat, visitet atq; defendat, omnes habitantes in hoc habitaculo. Per Christum Dominum nostrum. **R.** Amen.

Alpergit infirmum aqua benedicta. Acceditq; ad infirmum, querens, num sit bene dispositus ad suscipiendum Sacramentum, an adhuc velit confiteri, si jam ante confessus sit, alioquin debet confiteri, & legitimè absolvi. Conetur tum infirmum ad virtutes theologicas vid. fidem spem & charitatem excitare.

Postea communicetur sub absolutione generali. Misereatur, Indulgentiam &c. Ecce Agnus Dei &c. Ut alias sani, nisi quod loco Corpus Domini nostri dicat. Accipe Frater vel (Soror) Viaticum Corporis Domini nostri Jesu Christi, qui te custodiat ab hoste maligno, & perducat in vitam æternam. Amen.

Si non datur per modum viatici, dicat. Corpus Domini nostri &c. dein digitos vino abluit, & datur ablutio infirmo, quo finito dicere posset Sacerdos.

V. Dominus vobiscum. **R.** Et cum Spiritu tuo.

Oremus.

Domine sancte Pater omnipotens sempiterne Deus, te fideliter deprecamur, ut accipienti Fratri nostro vel (Sorori nostræ) Sacrosanctum Corpus Domini nostri Jesu Christi, Filii tui, tam corpori quam animæ prosit ad remediam sempiternum. Qui vivis & regnas cum Deo &c.

His expletis, si particula supersit, ut semper superesse debet, datur infirmo

infirmo benedictio, & Sacramentum ordine quo prius, reportatur ad Ecclesiam, sub hymnis & psalmis devotioni cuiusvis maxime congruis. In Ecclesia comitantibus datur, benedictio, & reponitur Sacramentum. dein dicere potest.

¶. Panem de cœlo præstisti eis. ¶ Omne delectamentum in se habentem. *¶. Dominus vobiscum.* ¶ Et cum Spiritu tuo.

Oremus.

Deus, qui nobis sub Sacramento mirabili passionis tuæ memoriam reliquisti, tribue quæsumus, ita nos corporis & sanguinis tui Sacra mysteria venerari, ut redemptionis tuæ fructum in nobis jugiter sentiamus. Qui vivis &c.

Postea petit preces pro infirmo, annunciat indulgentias comitantibus Sacramentum, & populum dimittit.

De Extrema Unctione.

Extræmæ Unctionis Sacramentum à Christo Domino institutum, tanquam cœlestis medicina, non animæ solum, sed etiam corpori salutaris, omni studio ac diligentia periculose & grotantibus adhibendum est; & eo quidem tempore, si fieri possit, cum illis adhuc integræ mens & ratio vigeret: ut ad ubiorem Sacramenti gratiam percipiendam, ipsi etiam suam fidem, ac piæ animi voluntatem conferre possint, dum Sacro Oleo liniuntur.

In quo illud imprimis ex generali Ecclesiæ consuetudine observandum est, ut, si tempus & infirmi conditio permittat, ante extremam unctionem Pœnitentiæ & Eucharistiae Sacraenta infirmis præbeantur.

Habeat igitur Parochus, loco nitido, & decenter ornato, distincto à tabernaculo, in vase argenteo, seu stanneo, diligenter custoditum S. Oleum infirmorum, quod singulis annis feria V. in cena Domini ab Episcopo benedicatum, veteri combusto, renovandum est. Id tamen, si forte infra annum ita deficiat, ut sufficere non posse videatur, neq; aliud benedicatum haberi queat, modico Oleo Olivarum, non benedicto, in minori tamen quantitate super infuso, reparari potest, & in bombacio vel re simili sine periculo effusionis conservari.

Debet autem hoc Sacramentum infirmis præberi, qui cum ad usum rationis pervenient, tam graviter laborant, ut mortis periculum imminere videatur, & iis, qui præsenio deficiunt, & in diem videntur morituri, etiam sine alia infirmitate.

Etiam infirmis, qui dum sanâ mente & integris sensibus essent, illud petierunt, seu verisimiliter petiissent, seu dederint signa contritionis, etiamsi deinde loquela amiserint, vel amentes effecti sint, vel delirent, aut non sentiant, dum autem periculum irreverentia timetur Sacramento, non inungatur, donec periculum cesseret.

Impenitentibus vero, excommunicatis, non baptizatis, prælium, navigationem, aut alia pericula subituris, reis ultimo suppicio afficiendis, pueris rationis usum non habentibus, & qui in manifesto peccato mortali moriuntur, penitus denegetur,

Si quis in extremis laborat, & periculum sit, ne moriatur ante finitam unctionem, citò inungatur sub formâ consuetâ. Per istam sanctam unctionem &c. ut infra, & si postea supervivat, dicantur orationes prætermissa. Si vero inter inungendum decedat, sacerdos ultra non procedat, sed omnia alia omittens, pro defuncto orabit, & ejus animam Deo commendabit.

Non debet Sacramentum reiterari in eadem infirmitate, nisi diuturna sit, & cum infirmus convaluerit, iterum in periculum mortis incidat.

Oculi, Aures, Nares, Os, Manus & Pedes veluti Sensuum instrumenta inungenda sunt. Renum inunctione propter honestatem omittitur, manus vero sacerdotum exterius, laicorum interius inunguntur.

Dum corporis membra, quæ paria sunt, Sacerdos ungit, caveat, ne altero ipsorum inungendo Sacramenti formam prius absolvat, quam ambo hujusmodi paria membra perunxit. Membris autem mutilati pars propinquior sub eadem verborum forma inungatur.